



Monateng 14 – 18 Januarie 2015



En so breek ons eerste kamp van die jaar 2015 aan, Monateng! Wat 'n heerlike naweek. Die oord is boomryk met genoeg koelte en gras vir almal. Daar is ook 'n swembad en waterwurm. Nog voor jy by hulle hek indraai, is daar bokkies wat in die gras wei. Dit skep 'n atmosfeer van rustigheid. 'n Mens sal nooit sê dat jy net buite die stad is nie.

Soos gewoonlik het die seniors al vanaf Woensdag die 14de Januarie af begin kamp. Hulle moes kamp opslaan in gietende reën, maar dit het hulle nie gekeer om te kuier en te braai nie. Johann en Alet Lemmer kamp saam as 'n SAWA gas en skryf die volgende oor hul ervarings:

Rietvallei en Kiepersol se seniors het al oor-en-weer getoer en ken mekaar al geruime tyd. Om saam te kamp is dus soos 'n reünie. Sommer die eerste dag was dit melkert saam met die tee en sommer kopstukke se gesels. Die tweede aand braai almal saam vleis en gesels tot laat. Die terrein is pragtig na die mooi reën, die voëls sing en die bokkies kyk vir ons deur die draad. Vrydagoggend moes ons ongelukkig afskeid neem, maar nie voordat Wim se verjaarsdag by die tee gevier is nie.

Die Monatengkamp, saam met vriendelike mense en ware Sawa-gasvryheid, het rustigheid en vrede gebring wat 'n lafenis vir siel en liggaam was. Nogmaals dankie aan Margriet en Rietvallei se seniors vir 'n aangename ervaring.

Johann en Alet Lemmer (Kiepersol)

Die “werkende klas” het Vrydag die 16de Januarie begin aankom. Gelukkig was dit 'n sonskyn dag vir kamp opslaan. Daar is 20 lede en 2 besoekers die naweek.



Vrydag aand is almal bederf met heerlike vetkoek en maaltvleis na Boekevat. Daar is tot laat gekuier.

Saterdag oggend het baie laat geslaap en die dag verder om gekuier. Daar is 'n groepie ouers en kinders na die krokodilplaas om na die werksaamhede daar te gaan kyk.



Die aand na Boekevat het ons almal saam gebräai. 'n Groot sirkel is gemaak om die vure en weereens is daar tot laat gekuier.



Sondag oggend se Erediens was gelei deur Ds Fitzgerald. Hy en Tina het sommer besluit om die naweek saam ons te kamp. Watter aangename mense!



Die naweek is afgesluit met gesamentlike koek en tee. Omdat die senior burgers saamtrek gehou het, is besluit om die naweek gepas af te sluit. Hans lees 'n stuk voor van "Om 60 te word" en Jacques lees "Definisie van 'n Oupa en Ouma". Oom Neels sluit die naweek af met gebed.



Daarna het almal begin oppak en een na die ander vertrek. So kom alle goeie dinge tot 'n einde. Tot die volgende kamp...

Willem en Leona Kruger



Tersia Fourie word geluk gewens met haar verjaarsdag deur Daan



Die jeug wens vir Wim geluk met sy verjaarsdag nms Rietvallei



Wim en Margriet vd Berg word bedank vir hul werk gedoen onder die Senior Burgers



Tjaart oorhandig aan Ben en Alta van Eeden hul 80 Streek kamp, asook 100 Algemene kampe aansporingsplaatjies



Tjaart oorhandig aan Jacques en Diana Fourie hul 75 Algemene kampe aansporingsplaatjie



Tjaart oorhandig aan Wayne en Annamarie Botha hul 30 Streek kamp aansporingsplaatjie



Tjaart oorhandig aan Fanie en Alida Venter hul 150 Algemene kampe aansporingsplaatjie



Tjaart oorhandig aan Willem en Leona Kruger hul 10 Streek kamp aansporingsplaatjie



Chris bedank Andre en Tina vir die Erediens gelewer asook verwelkom hul as gaste



Oom Fanie verwelkom Abrie, Lorainne en gesin by Rietvallei as gaste



Pieter oorhandig aan Willem en Leona hul kampkommandante plaatjie vr die naweek



Ds Fitzgerald

Ek het nooit geweet daar is sulke pragtige vakansieoorde naby Pretoria nie. Monatneg is een van die lekker verrassings. 'n Pragoord met 'n wildreservaat, swembaddens, glybaan, trampoliens en vele meer om kinders te vermaak.

Ek en Marietjie het Saterdag die glybaan braaf aangedurf en soveel pret gehad saam met die kinders.

Sondagoggend het ons almal die Here saam aanbid onder die lowergroen Soetdoringbome, Dit voel so natuurlik. Asof dit so hoort. So sonder geboue en fieterjasies.

Dankie aan al die Rietvallei SAWAnante. Die naweek was 'n groot sukses.

Marie Coetzee